

Sibthorp, John ; Smith, James Edward [Editor]: Flora Graeca, sive plantarum rariorum historia, quas in provinciis aut insulis Graecis legit, investigavit et depingi curavit John Sibthorp: hic illic etiam insertae sunt pauculae species quas vir idem clarissimus, Graeciam versus navigans, in itinere, praesertim apud Italiam et Siciliam, invenit (Voluminis septimi - Fasciculus primus): Vol. VII.

London, 1830

Seite 94

28

TETRADYNAMIA SILICULOSA.

*Iondraba alyssoides* apula spicata. *Column. Ephr.* 283. t. 285. f. 1. *Moris.* v. 2. sect. 3. t. 9. f. 12. *Barrel. Ic.* t. 253. f. 1.

In insulâ Rhodo, et agro Argolico. ☉.

*Radix* annua, simplex, teres, infernè fibrosa. *Caulis* erectus, spithamæus, teres, plûs minûs foliosus, vel omninò simplex, vel sæpiùs ad basin usque alternatim ramosus, undique piloso-scaber, basin versus hirsutior. *Folia* saturatè viridia, piloso-scabra; radicalia plurima, patentia, obovato-cuneata, latè at inæqualitèr dentata, basi angustata; caulina minora et pauciora, sessilia, vel amplexicaulia, acuta. *Corymbi* terminales, solitarii, parvi, densi, pallidè flavescentes. *Calyx* glaber, foliolis duobus oppositis basi paululùm gibbosis. *Petala* obovata, integerrima, unguibus brevibus. *Stamina* omnia simplicia, *antheris* incumbentibus. *Siliculae* laxiùs racemosæ, mediæ magnitudinis, loculis omninò orbiculatis, margine densiùs piloso-scabris, disco subhirsutis; dissepimento angustissimo, stylo persistente. *Semina* solitaria, reniformi-orbiculata, compressa, rufa, glabra.

a. A. Flos.

B. Calyx.

c. Silicula.

d. Semen.

RICOTIA.

*Linn. Gen. Pl.* 337. *Juss.* 239. *DeCand. Syst.* v. 2. 284.

*Lunaria Ricotia.* *Gærtn. t.* 142.

*Silicula* sessilis, elliptico-oblonga, compresso-plana, dissepimento evanido unilocularis. *Semina* lateralia, subsolitaria, compressa. *Cotyledones* accumbentes, planæ.

TABULA 630.

RICOTIA TENUIFOLIA.

RICOTIA foliis subbipinnatifidis linearibus, calycibus cauleque glaberrimis.

*R. tenuifolia.* *Prodr. n.* 1525. v. 2. 17. *DeCand. Syst.* v. 2. 285.

In Lyciâ. ☉.

*Radix* gracilis, annua, simplex; infernè fibrillosa. *Caulis* erectus, gracilis, teres, glaberrimus, undique ramosus, patens, foliosus, multiflorus. *Folia* alterna, longiùs petiolata,